

續潼關縣志



續修潼關縣志序

潼關舊志作於邑進士楊明府端本新城王尚書士正稱其簡核有體可備史家掌故蓋善志也其書起上古終

國朝康熙二十四年迄今百餘年矣計百餘年間士庶懿行指不勝曲而聽其散逸不爲搜輯以示來茲守土者又何以辭其咎予任潼關丙子年時值歲豐因延境內紳士設局稽訪予暇卽與分類纂輯雒陽令諸城王君森文於志例有所淵源俛爲編訂逾歲而成始康熙二十五年終嘉慶二十一年凡紀典禮人物悉遵史通斷限之例其人物間有越載故明及國初並錄舊志所已錄者皆以

續潼關縣志序

二 西安克興印書館代印

國朝人物爲主而附所錄於後所以補前志之遺也歲在丁丑將付剞劂因書其顛末以弁於首是爲序

時

嘉慶丁丑仲秋之望陝西同州府撫民同知華陽向淮題於潼關官舍

續潼關志目錄

卷之上

地理志第一

沿革

疆域

形勢

山川

古蹟

風俗

建置志第二

城池

公署

學校

津梁

編屯

陵墓

街市

禮祀志第三

祀典

祀廟

寺觀

災祥附

田賦志第四

續潼關縣志

目錄

屯地

屯糧

地稅

當稅

牙稅

鹽課

戶口

卷之中

職官志第五

名宦

潼商道

撫廳

知縣

教官

雜職

潼關營

中軍守備

把總

人物志第六

鄉賢

忠烈

孝友

宦績

隱逸

高士

義行

書畫

方技

人瑞

前志補遺

列女

選舉志第七

進士 舉人 貢生 武進士 武舉 武職

封廕 鄉飲

卷之下

兵志第八

兵制 兵略 十二連城關隘

藝文志第九

詩 賦 記 傳 跋 序

續潼關縣志

目錄

二

西安克興印書館代印

續潼關縣志卷之上

地理第一

沿革

潼關縣舊屬西安府雍正二年裁五年復設潼關縣屬華州乾隆十三年裁縣置潼關廳屬同州府

疆域

潼關縣治在同州府東南九十里治內境土皆屯縣舊區錯處關鄉華陰二邑分布參差難以廣袤道里計今第就建置一區列其近界東至河南閿鄉縣界五里西至華陰縣界五里南門外不數武卽華陰閿鄉二縣界北至山西蒲州府界一里西至續潼關縣志卷之上
華陰縣治四十里南至維南縣治一百四十五里西北至朝邑縣治六十里北至山西永濟縣治七十里東至河南閿鄉縣治七十五里西北至同州府治九十里

形勢

元和志上躋高嶠俯視洪流盤紆峻極實爲天險河之北岸則風陵津北至蒲關六十餘里河山之險迤邐相接自此相望川塗曠然蓋神明之奧區帝宅之戶牖百二之固信不誣也西安志東連鼎湖西接太華秦嶺障其南黃河繞其北華州志潼關南薄山北阻河中通一徑車不得方軌馬不得成列一夫當關億萬之衆不可踰也若南據秦嶺之險而襄鄧之門戶一塞北

鎮渡口之防而晉陽之隙道難成是非三秦之樞紐寰宇之雄鎮哉

山川

灌谷水在水峪東松果山佛頭崖水經注云灌水在松果之上逕通峪世以謂之通峪水東北注於河述征記所謂灌谷水是也又蒿岔峪水自龍王廟北合灌水流入於河前志謂灌水出四川梓潼縣論者疑之據此則出梓潼之非明矣

坑獸檻谷在城南四里南北鎮城間隋大業七年徙潼關於南北鎮河間卽此

馬跑泉在城東三十里寺底屯唐太宗爲秦王時兵駐其地土續潼關縣志卷之上

方渴苦無水繫馬其處馬跑之泉忽湧出遂得飲今泉方數丈澄澈淵涵時常溢出

野狐泉在關西道旁店後坡下舊傳云野狐陪而泉湧舊志廣明元年冬黃巢攻潼關關士民皆潰張承範變服率餘衆走至野狐泉

普濟泉在西關普濟洞前泉水清冽異常大旱不涸居人資汲湫泉在原望溝內上下凡數泉清冽異常大旱不涸民人資汲靈源渠泉在華陰縣蒿岔峪西山下龍王廟前出峪北流經關

而上老馬衡衡南營村南午庄許家城陳家城

東分一支流南歇馬東西二村

北流一里經鄧家寨

西分一枝流興邑至巡底

又北二里

東分一枝流北歇馬逕料

路城過東城
子至大留屯

又北五里逕留果斜龍王廟之西

東分一支流留果村至西董村

折而西逕漢井楊家灣

分一支流寺角營楊家莊

又北四里逕黃邑雷村

直達上南門入白蓮池

歷年歲旱水少村民不給於食無餘水可引池遂廢

古蹟

古城在南門外原上漢武帝建周文帝破竇泰於此改名潼谷

關今其遺趾尚存

魏城在關西四十里古城屯土人呼爲古城梁惠王十四年築以距秦古城寨卽秦晉接界魏守長城之處古城屯長城屯皆以此名

方庠渠在城東南二十五里董社屯源出董舍原下漢楊四知

續潼關縣志

卷之上

三一 西安克興圖書館代印

天子校書於原北自原之南鑿渠引水東北注校書堂之池俗呼爲硯水池

姚氏屯在金陵關東晉書義熙十三年檀道濟攻潼關秦將姚紹出戰道濟敗之紹退屯定城道姚鸞屯大路以絕道濟糧道又遣姚讚屯河上以絕水道西征記入函道六里有舊城周百餘步北臨大河南對高山姚氏置關以守險舊志城東有金陵城或云卽姚讚河上之屯

盛家泉明禮部尙書盛以宏別墅之池泉也在關西泉店鎮與大理卿張維任池水合流園約百畝林泉佳美宗伯建紫氣亭於內自號紫氣山人時與名流吟咏其間今園廢維清泉

一派流音冷冷仙客騷人過之嘆惜王漁洋秦蜀驛程記云
憩泉店面屏風山秀冶欲滴其下多垂柳菱荷被渚卽此

風俗

風俗與運會爲轉移潼關號稱易治自經兵燹紳士皆逃之
鄉村城中文物蕩然舊志據一時所見慨乎言之方今

盛朝定鼎因俗布宜士皆家絃戶誦沐雨歌風有復我故廬者
有因官聚族者有豪傑自命者一時科第膠庠雲烝蔚起與
他邑比士民皆衣服尙潔賓祭從豐與在鄉之崇實敦朴猶
有古先民風俗之遺意云

建置第二

城池

潼關城垣廣袤仍舊雍正五年知縣黃憲鯤補修二十七丈七尺七年復修一百二丈七尺乾隆九年知縣王懷堂重修三十四年同知趙本燾於東西南北各修城路設柵欄五十三年四月潼商道德明公奉

勅修南面土城三千二百九十八丈七尺北面磚城七百三十三丈三尺高三丈頂寬一丈八尺底寬三丈城門六東曰迎恩正樓五間箭樓三間西仍懷遠正樓七間箭樓七間北曰鎮河小北門曰拱極南曰鳳翽上南門曰麟遊城臺各一座南水關續潼關縣志

卷之上

五
西安克興印書館代印

間樓七間北水關間樓九間馬道十座更鋪房七十二座五十六年七月工竣准銷銀六十五萬三千七百四十三兩零嘉慶二十年九月地震南城崩壞七十一丈零

滿城在關城西三里雍正二年建周三里二分東西二門守尉一員乾隆二年撤滿兵裁守尉

公署

潼商道署舊在城西北隅後移治東故明兵部尚書王之臣舊第康熙十六年副使胡戴仁修葺增建大門儀門寅賓館構川堂書屋復買民地五尺爲更道雍正六年分守道張正瑗買地大門外拓十有九丈繚以崇垣左右建中正和平二門

中建嶽峙河澄坊乾隆十三年移道署於縣署在正東街是爲今治自乾隆己丑至嘉慶丁巳歷任潼商道屠公用中吳公延瑞崇福公皆加修治己巳現任潼商道嵩溥公更事修葺

撫民同知署廳署舊在東察院故址明萬厯中改爲撫民廳署康熙二十二年同知翁世庸捐俸重修乾隆十三年裁縣歸廳廳署移於縣署縣署者故衛署也在西門內卽今治自乾隆二十四年己卯至嘉慶辛酉歷任同知李豫楊天文趙本嶠錢人龍陸維垣朱學濂虞友光先後重修

風陵渡巡檢司舊在黃河北照村裁縣後移駐驛丞署在四牌續潼關縣志卷之上

西安克興印書館代印

坊街嘉慶二十一年巡檢童昺修

潼關協副將署在帥府街明戶科給事中孫振基舊第借居五十餘年康熙四十八年副將張自成以價二百四十金置署始完備

都司署在副將署東初典居民房康熙三十八年張公譽捐置地基始建衙署

城守營在府部街卽舊典史廨雍正六年建十二年裁典史遂爲巡城把總署嘉慶二十一年張忠祿捐修

常平倉舊在城內大有倉舊在治西乾隆三十年同知汪鍾詳請合二倉移建四牌樓街共十九廩貯谷一萬七千二百四

石四十一年同知何文耀重修

社倉二一在城內西街雍正五年建原分貯谷一千六百二石
七斗八升一在張村社關東六十二里乾隆十八年建原分
貯谷五百六十石

總鋪舊志在城內西至華陰縣楊橋鋪十里東至河南園鄉縣
界七里北至山西永濟縣田村鋪八里額設鋪遞一處鋪司
兵九名

潼關驛舊在縣治東驛丞管理乾隆十三年裁驛丞歸廳管理
公廨二一在帥府街即舊道署乾隆十五年監生李訓捐銀三
百七十四兩置爲義學二十九年同知汪鍾改爲公廨一在
續潼關縣志卷之上

七
西安克興印書館印

廨西即關西書院舊址乾隆四十五年同知陸維垣修

火藥局舊在二郎廟乾隆五十二年移建上寨

養濟院在西門內同知唐咨伯捐置義田三百六十九畝六分
節婦王楊氏捐義田六十畝四分五厘歲收麥米五十九石
一斗八升五合五勺

教場二一在滿城北一在西門外

學校

學宮自明指揮孫璟盡捐其宅地始宏廡繼以歷年增設制愈
備焉

大成殿五楹東西兩廡九楹戟門五楹名宦祠三楹在戟門東

鄉賢祠三楹在戟門西櫺星門在泮池南肅儀廳在泮池東
禮門義路坊在大門外

崇聖祠在大成殿東自乾隆丁卯至嘉慶己巳知縣王懷堂同
知汪鍾陸維垣朱學濂沈相彬歷加修葺

奎星樓在學宮東南

尊經閣在學宮西南乾隆十五年同知紀虛中建監生李訓捐
資

學署在學宮西自明副使汪尙寧修廣後遂完美明倫堂三楹
二門三楹大門三楹學舍廳三間後房三間

敬一亭在明倫堂後嘉慶十五年訓導蘭鵬程重修

續潼關縣志卷之上

八 西安克興印書館代印

學田御史張維任置地九十三畝歲徵粟米各九石三斗又按
院某失名置地十五畝租棉花六十斤俱奉文散給廩生貧
士廩生每名麥米歲三斗一升棉花一斤貧士每名麥
米歲一石三斗二升五合棉花十二斤四兩七錢

關西書院舊在帥府街潼商道張公正瑗創建乾隆四十六年
吳公延瑞以地近喧闐移建麒麟山下名潼川書院遺址後
改爲公廨

學田潼商道博恩岱公捐置地九頃八十七畝五分一厘坐落
郃陽

縣卜公祚光率屬買地三頃零一畝四分五厘坐落華陰縣
內有當地十

畝吳公延瑞捐置地二十四畝八分坐落華陰縣額樂春公捐置

地一頃三十四畝八分七厘德明公捐置地四頃六十四畝

二分五厘

坐落華陰

廣厚公將歷年餘租銀五百兩

貯朝邑當典生息

崇

福公置地一頃八十畝四分一厘廳民捐地一頃四十三畝

三分

坐落華陰縣

監生王生輝捐地二畝

坐落東杜村

鳳山書院舊爲明新書院久廢康熙間同知唐咨伯重修有廩

餼而缺廬舍乾隆二十年同知趙銓移建學宮東設講堂齋

房標名鳳山書屋嘉慶十年同知虞友光移置西城內公舍

捐銀置修自爲碑記

學同知唐咨伯原置地三頃實地兩頃八十四畝虞友光捐

置地一頃六十一畝九分四厘

內有高遷堡地三十四畝八分七厘

沈相

彬捐置地二十四畝七分一厘紳士捐地九十四畝五分

有活

續潼關縣志卷之上

九

西安克興印書館代印

當地十六畝五分

紳士又捐地二畝五分

紫陽學舍風陵司巡檢李璣有廩餼而無廬宇每歲延師假

館於紫陽洞後紳士又捐金置鋪房歲得房租以足其用於

花朝祀文昌亦名文昌學舍

社學在九龍屯嘉慶二十年同知向淮建

義學在西街嘉慶二十二年從九職馬信捐置學舍一所學田

三十畝六分五厘

軍地二十五畝三分坐落西版天地五畝三分五厘坐落華陰

津梁

風陵渡乾隆四年裁永樂鎮巡檢司歸并風陵渡巡檢管理現

官船十二隻水夫八十四名

周公渠剏修見前志乾隆十五年監生李訓捐修嘉慶二十年同知向淮以渠久壅塞自南水關尋故道疏濬添設石槽石板砌至學宮并葺泮池水遂大通

潼津橋詳舊志康熙間潼商道狄敬孔興鉉重修名潼橋乾隆十九年同知紀虛中復加修治自爲碑記詳藝文五十二年潼商道德明公修東岸石泊西岸磚泊上葺石橋五十七年廣厚公又重修

通寧橋在東門外原望溝口上指揮使孫廉建

史司理橋在西門外建年無攷乾隆五十七年潼商道廣厚公

重修

卽楊家橋

續潼關縣志

卷之上

十一

西安克興印書館代印

萬善橋在歇馬溝溝深數十丈爲商洛孔道乾隆間近村士庶

募修行人便之

自熊景彥碑記

天橋在南水關內分水石上嘉慶五年士庶募建以爲潼水泛漲往來之路

編屯

原屯一百九錯落靈寶園鄉臨潼渭南大荔華州朝邑郃陽澄城華陰各州縣雍正二年以輸納不便裁衛改隸各州縣五年復設潼關縣仍以就近之園鄉華陰各屯屬焉乾隆十三年裁縣歸廳仍縣製屯凡四十二各一村庄堡寨附焉

東鄉屯十四自東關廂十里名曰七里屯

有小塬寨

三十里曰杜村

屯稍南曰上董屯

有南北郭村

東五十里曰高伯屯東南曰石橋

屯東六十里曰張村屯

有夏儒

東南曰上陽屯

有楊家寨北溝堡

東七

十里曰廟底屯營田屯八十里曰樓底屯九龍屯下原屯楊

家灣屯一百里曰狼寨屯

有南灘寨○其伏伏南陽麻莊西略東底西園六屯今廢

東南鄉屯八去城二十里曰歇馬屯

以北有陶家莊楊家莊寺角營楊家灣荒移汾井等村

稍東曰大留屯

有留果西董辛莊等村

大留東北曰東馬屯關南二十

里曰興邑屯

有巡底鄧家寨南午莊鄭家營老馬棚衛水門關等村

去關城東南二十

五里曰董社屯

有蘇喜村高家關姚子頭等村

三十里曰寺底屯

有倉倉小開峪卜家

三十三里曰馬店屯

有太姚三頃鹿嶺麻峪口太峪口西莊頭布張村等村

四十里

曰庄頭屯又新增屯曰東庄屯去城二十五里

以上俱坐落關鄉

續潼關縣志卷之上

十一 西安克興印書館代印

西鄉屯十三自西關廂十里曰潼西屯

即吊橋屯

三十里曰平洛

屯

東有清泉堡永清寨

三十五里曰曲城屯

有趙平丁家溝

迤北曰東册屯四

十里曰白雲宮屯

東有康旗營

西北四十里曰魚池屯

南有王村

又西

北曰古城屯五十五里曰長城屯

南有放車

五十里曰段村屯七

十里曰五里屯

南有甘渠堡

八十里曰敷水屯

北有姚女灣西有拾頭堡柳峪口

迤北八十里曰焦家社屯新增屯曰五橋屯

長城屯所分

去城五

十里

西南鄉屯七去城十里曰金盆屯

有西

二十五里曰故真屯

有吳

村梁家堡黎家莊段名管家莊亢家寨

三十里曰孟村屯

東南有段旗朱家寨院密子柳灣李家溝扎孟寨

曰阿彪屯

有通維川柳家村王家園周家寨雙廟堡李家寨五戶張段家中軍帳

四十里曰蒲峪

屯

西有宋家峪
東有靈峪

潼峪屯去關三十里

其五方段峪中凹小漲
瑞村諸屯今廢以上坐

陰落

潼屯東界閭鄉西界華陰壤地相錯居民逼處是以爭訟滋
煩經理匪易其故詳廳署及玉皇觀三官廟碑記并載藝文
以著其弊焉

陵墓

風陵考

水經注縣之直北隔河有層阜巍然獨秀孤峙河陽世謂之
風陵戴延之所謂風壇者也風壇御覽作風堆又引戴延之
西征記云伏羲女媧風姓也止當是女媧之墓丸城志云女媧墓
在今潼關口河灘上屹然介河有木數株雖暴漲不漂沒也寰宇
記云河東縣三里風陵是女媧之墓唐歷潼關口河灘上有樹
株雖暴漲亦不漂沒人號為女媧墓天寶十三年五月內大風吹
失所有乾元二年六月虢州刺史王晉光上言今月一日河上側
忽聞雷曉見墳湧出上有雙柳樹下有巨石各高丈餘唐陸長源

續潼關縣志卷之上

十二 西安克典印書館代印

媧皇墓辨關北大河中有灘出水可三二尺灘上一樹故老相傳
本女媧墓女媧煉石補天闕斷石立地維衣墓在大河中水高與
高水下與下蓋神之所扶持也立祠於岸載有祀典天寶十三年
秋霖一百日河水氾濫其灘遂被冲沒至今無迹乃知前說皆謬
耳路史女媧氏其神居於栗席之野是為風陵堆乾元中刺史秦
關卿墳天寶十三年天雨晦冥俄夫所在至是河房風雷夜聲黎
明視之其墳湧出復夾兩柳樹肅宗命祝史祠焉乾德四年詔置
守陵五戶春醺少牢關中陵墓志風陵在潼關東門外黃河北或
曰黃帝甘風后墓按平陽府趙城東有媧黃陵元州府志潼寧州
東南有女媧陵而潼關之風陵則自唐祠祀典宋置守戶其事確
鑿可據長源所云冲沒無
迹或神之隱見有時耶

楊太尉墓考

後漢書楊震改葬潼亭先葬十日有大鳥丈餘集震墓
前俛仰悲鳴淚下沾地葬畢飛去時人立鳥像於墓前

〔北白六帖〕唐太宗貞觀十一年行幸過漢太尉楊震墓傷以忠非
命親為文以祭之僕射房元齡進曰楊震雖天柱數百年後方遇
聖君傳興往蹕親降神作此文可謂雖死猶生沒而不朽〔名臣奏議〕
吊橋鋪北城內左右共七塚明萬歷初兵使蔡可教建亭堂柘地
三十四畝堂圯順治丙辰副使湯斌重修自為
記〔府志〕嘉慶十七年固原提督楊遇春重修

觀德王雄墓考

朝野僉載舒綽善相塚吏部侍郎楊恭仁欲改葬觀王綽定一土堪葬曰此所擬處深五尺之外有五穀

若得一穀卽是福地公侯世世不絕恭仁卽將綽向處令人掘深七尺得一穴如石甕有粟七八斗

北魏滎陽縣令楊祖興墓

在七里屯西北村北乾隆六十年居人掘土見墓其誌云延昌元年十一月二

十三日滎陽令恒農楊祖興墓嘉慶九年進士袁希仁立石記之

義塚二

一在南門外御史張維任置一在西門外嘉慶二十一年生員李淑蓮捐置

街市

西街

自西門至驛所卽西關大街自學署至十字口卽育賢街自十字口至南北街卽帥府街

東街

自潼橋至道門口卽縣門通街

南街

南門內數十步爲下南門街又北數十步爲牌樓南街又北至潼川書院門爲牌樓北街今統名通政街

北街

自西十字口至潼橋卽府部街

續潼關縣志卷之上

南北街

卽四牌坊街